

金上甄商伏金漢等蓋中翰

全晉文卷七十四

烏程嚴可均校輯

左思

思字太冲齊國臨淄人左九嬪兄泰始中為祕書郎惠帝時齊

王固召為記室督不就有集五卷

齊都賦

嶼嶺鎮其左

水經巨洋水注

四扈推移

御覽九百二十三

其艸則有杜若蘅菊石蘭芷蕙紫莖丹穎湘蓂縹蒂

初學記二十七

勝火之木衝水之草

御覽九百六十六

露桃霜李

御覽九百六十八

三都賦序

蓋詩有六義焉其二曰賦揚雄曰詩人之賦麗已則班固曰賦者

古詩之流也先王采焉已觀土風見綠竹猗猗則知衛地淇澳之
產見在其版屋則知秦野西戎之宅故能居然而辨八方然相如
賦上林而引盧橘夏熟揚雄賦甘泉而陳玉樹青葱班固賦西都
而歎昌出比目張衡賦西京而述已遊海若假稱珍怪已爲潤色
若斯之類匪啻于茲攷之果木則生非其壤校之神物則出非其
所手辭則易爲藻飾于義則虛而無徵且夫玉卮無當雖寶非用
侈言無驗雖麗非經而論者莫不詆訐其研精作者大氏舉爲憲
章積習生常有自來矣余旣思摹二京而賦三都其山川城邑則
稽之地圖其鳥獸草木則驗之方志風謠歌舞各附其俗魁梧長
者莫非其舊何則發言爲詩者詠其所志也升高能賦者頌其所
見也美物者貴依其本讚事者宜本其實匪本匪實覽者奚信且
夫任土作貢虞書所著辨物居方周易所慎聊舉其一隅攝其體
統歸諸詁訓焉

蜀都賦

有西蜀公子者言于東吳王孫曰蓋聞天曰日月爲綱地曰四海
爲紀九土星分萬國錯峙峭函有帝皇之宅河洛爲王者之里吾
子豈亦曾聞蜀都之事歟請爲左右揚摧而陳之夫蜀都者蓋兆
基于上世開國于中古廓靈關曰爲門包玉壘而爲宇帶二江之
雙流抗峨眉之重阻水陸所湊兼六合而交會焉豐蔚所盛茂八
區而菴藹焉于前則跨躡犍牂枕輅交趾經途所互五千餘里山
阜相屬含谿懷谷崗巒糾紛觸石吐雲鬱蒼藍曰翠微崛巍巍曰
峩峩干青霄而秀出舒丹氣而爲霞龍池瀑瀑瀆其隈漏江伏流
潰其阿汨若湯谷之揚濤沛若濛汜之涌波于是乎叩竹緣嶺菌
桂臨崖旁挺龍目側生荔枝布綠葉之萋萋結朱實之離離迎隆
冬而不凋常晔晔曰猗猗孔翠羣翔犀象競馳白雉朝雌猩猩夜
啼金馬騁光而絕景碧雞儵忽而曜儀火井沈熒于幽泉高燭飛

燭于天垂其閒則有虎珀丹青江珠瑕英金沙銀礫符采彪炳暉
麗灼爍于後則卻背華容北指崑崙緣已劒閣阻已石門流漢湯
湯驚浪雷奔望之天迴卽之雲昏水物殊品鱗介異族或藏蛟螭
或隱碧玉嘉魚出于丙穴良木攢于褒谷其樹則有木蘭檉桂杞
櫛椅桐椶枒楔樅梗柑幽藹于谷底松柏蒼鬱于山峯擢脩榦竦
長條扇飛雲拂輕霄羲和假道于峻岷陽鳥迴翼乎高標巢居栖
翔聿兼鄧林穴宅奇獸窠宿異禽熊羆咆其陽鵬鸚鵡其陰獐狖
騰希而競捷虎豹長嘯而永吟于東則左縣巴中百濮所充外負
銅梁于宕渠內函要害于膏腴其中則有巴菽巴戟靈壽桃枝樊
已蘊圃濱已鹽池蠖螻山棲黿龜水處潛龍蟠于沮澤應鳴鼓而
興雨丹沙赭熾出其坂蜜房郁毓被其阜山圖采而得道赤斧服
而不朽若乃剛悍生其方風謠尙其武奮之則賓旅翫之則渝舞
銳氣剽于中葉躋容世于樂府于西則右挾岷山涌瀆發川陪已

白狼夷歌成章垌野草昧林麓黝儵交讓所植蹲鴟所伏百藥灌
叢寒卉冬馥異類眾夥于何不育其中則有青珠黃環碧柎芒消
或豐綠萸或蕃丹椒麋蕪布濩于中阿風連莖蔓于蘭皋紅葩紫
飾柯葉漸苞敷葉歲落英飄颻神農是嘗盧跗是料芳追氣邪
味蠲癘瘡其封域之內則有原隰墳衍通望彌博演已潛沐浸已
緜雒溝洫脈散疆里綺錯黍稷油油梗稻莫莫指渠口已爲雲門
灑淝池而爲陸澤雖星畢之滂沱尙未齊其膏液爾乃邑居隱賑
夾江倚山棟宇相望桑梓接連家有鹽泉之井戶有橘柚之園其
園則有林檎枇杷橙柿櫻桃函列梅李羅生百果甲宅異色
同榮朱纓春熟素柰夏成若乃大火流涼風厲白露凝微霜結紫
梨津潤櫛栗罅發蒲桃亂漬若榴競裂甘至自零芬芬酷烈其園
則有蒟蒻茱萸瓜疇芋區甘蔗辛薑陽蔭敷日往菲薇月來扶
疏任土所麗眾獻而儲其沃瀛則有攢蔣叢蒲綠菱紅蓮雜已蘊

藻粦已蘋蘩總莖柅柅衰葉蓁蓁實時味王公差焉其中則有
鴻儔鵠侶鶩鷺鵙鵙晨鳧旦至候雁銜蘆木落南翔冰泮北徂雲
飛水宿唼吭清渠其深則有白黿命鼈玄獺上祭鱸鮓鰭鮓鯉
魴鱠差鱗次色錦質報章躍濤戲瀨中流相忘于是乎金城石郭
兼市中區既麗且崇實號成都闢二九之通門畫方軌之廣塗營
新宮于爽塏擬承明而起廬結陽城之延閣飛觀榭乎雲中開高
軒已臨山列綺窗而瞰江內則議殿爵堂武義虎威宣化之闕崇
禮之闈華闕雙邈重門洞開金鋪交映玉題相暉外則軌躅八達
里閭對出比屋連營千廡萬室亦有甲第當衢向術壇宇顯敞高
門納駟庭扣鍾磬堂撫琴瑟匪葛匪姜疇能是恤亞已少城接乎
其西市塵所會萬商之淵列隧百重羅肆巨千賄貨山積纖麗星
繁都人士女袷服靚粧賈貿帶鬻舛錯縱橫異物崛詭奇于八方
布有橿華麪有桄榔叩杖傳節于大夏之邑蒟醬流味于番禺之

鄉輿輦雜沓冠帶混并累轂疊跡叛術相傾誼譁鼎沸則哢聒宇
宙躑塵張天則埃塏曜靈闐闐之裏伎巧之家百室離房機杼相
和貝錦斐成濯色江波黃潤比筍簾金所過侈侈隆富卓鄭埒名
公擅山川貨殖私庭藏鏹巨萬鈔規兼呈亦已財雄翕習邊城三
蜀之豪時來時往養交都邑結儔附黨劇談戲論扼腕抵掌出則
連騎歸從百兩若其舊俗終冬始春吉日良辰置酒高堂已御嘉
賓金罍中坐肴楮四陳觴已清醪鮮已紫鱗羽爵執競絲竹乃發
巴姬彈弦漢女擊節起西音于促柱歌江上之飄厲紆長袖而屢
舞翩躚躚已裔裔合樽促席引滿相罰樂飲今夕一醉累月若夫
王孫之屬邵公之倫從禽于外巷無居人竝乘驥子俱服魚文玄
黃異校結駟繽紛西踰金隄東越玉津朔別期晦匪日匪旬蹴踏
蒙籠涉躑寥廓鷹犬倏睥爵羅絡幕毛羣陸離羽族紛泊翕響揮
霍中網林薄屠麋麋翦旄塵帶文蛇跨彫虎志未騁時欲晚追輕

翼赴絕遠出彭門之闕馳九折之坂經三峽之崢嶸躡五岷之蹇
漣戟食鐵之獸射噬毒之鹿晶貙岷于萋草彈言鳥于森木拔象
齒戾犀角鳥鍛翮獸廢足殆而竭來相與第如滇池集于江洲試
水客艤輕舟娉江婁與神遊罨翡翠釣鯉鮪下高鵠出潛虬吹洞
簫發櫓謳感鰾魚動陽侯騰波沸涌珠貝汜浮若雲漢含星而光
耀洪流將饗獠者張帟幕會平原酌清醕割芳鮮飲御酣賓旅旋
車馬雷駭轟轟闐闐若風流雨散漫乎數百里閒斯蓋宅土之所
安樂觀聽之所踴躍也焉獨三川爲世朝市若乃卓犖奇譎倜儻
罔己一經神怪一緯人理遠則岷山之精上爲井絡天帝運期而
會昌景福肸蠁而興作碧出萇弘之血烏生杜宇之魄妄變化而
非常羌見偉于疇昔近則江漢炳靈世載其英蔚若相如皜若君
平王褒韓曄而秀發揚雄含章而挺生幽思綯道德摘藻挾天庭
攷四海而爲儔當中葉而擅名是故遊談者已爲譽造作者已爲

程也至乎臨谷爲塞因山爲障峻岨塋埒長城豁險吞若巨防一人守隘萬夫莫向公孫躍馬而稱帝劉宗下輦而自王由此言之天下孰尙故雖兼諸夏之富有猶未若茲都之無量也

文選

吳都賦

東吳王孫輶然而唱曰夫上圖景衡辨于天文者也下料物土析于地理者也古先帝代曾覽八紘之洪緒一六合而光宅翔集遐宇鳥策篆素玉牒石記鳥聞梁岷有陟方之館行宮之基歟而吾子言蜀都之富禺同之有瑋其區域美其林藪矜巴漢之阻則已爲襲險之右徧躡鵠之沃則已爲世濟陽九齷齪而筭顧亦曲土之所歎也翫躡而論都抑非大人之壯觀也何則土壤不足已攝生山川不足已周衛公孫國之南破諸葛家之而滅茲乃喪亂之丘墟顛覆之軌轍安可已儷王公而著風烈也翫其磧礫而不窺玉淵者未知驪龍之所蟠也習其弊邑而不覩上邦者未知英雄

之所躔也子獨未聞大吳之巨麗乎且有吳之開國也造自太伯
寧于延陵蓋端委之所彰高節之所興建至德曰勗洪業世無得
而顯稱由克讓曰立風俗輕脫躡于千乘若率土而論都則非列
國之所觴望也故其經略上當星紀拓土畫疆卓犖兼幷包括于
越跨躡蠻荆婺女寄其曜翼軫寓其精指衡岳曰鎮舒目龍川而
帶垓爾其山澤則崑崙嶢峩嶢溟鬱岬嶺泚泚泚泚礧礧乎數州之閒
川而開瀆或吞江而納漢硨磲礧礧泚泚泚泚礧礧乎數州之閒
灌注乎天下之半百川派別歸海而會控清引濁混濤并瀨瀆薄
沸騰寂寥長邁漚馬洶洶隱馬礧礧出乎大荒之中行乎東極之
外經扶桑之中林包湯谷之滂沛潮波汨起迴復萬里歛霧逢淳
雲蒸昏昧泓澄瀟灑瀟灑溶沆瀣莫測其深莫究其廣澶漭漠而無
涯總有流而爲長瓌異之所叢育鱗甲之所集往于是乎長鯨吞
航修鯢吐浪躍龍騰蛇蛟鯢琵琶王鮪鰐鮑龜鱉鰭烏賊擁劔

龜鼈鯖鰐涵泳乎其中葺鱗鏤甲詭類舛錯泝洄順流噉啣沈浮
鳥則鷗鷖鷓鴣鴟鵂鷺鴻鵠鵙避風候雁造江鴈鷗鷓鴣鷓鴣
鷓鴣鷓鴣鷓鴣汜濫乎其上湛淡羽儀隨波參差理翮整翰容與自
翫彫啄蔓藻刷盪漪瀾魚鳥聳聳萬物蠢生芒芒黦黦慌罔奄歛
神化翕忽函幽育明窮性極形盈虛自然蚌蛤珠胎與月虧全巨
鰲鼉負首冠靈山大鵬繽翻翼若垂天振盪汪流雷抃重淵殷動
宇宙胡可勝原島嶼緜邈洲渚馮隆曠瞻迢遞迴眺冥蒙珍怪麗
奇隙充徑路絕風雲通洪桃屈盤丹桂灌叢瓊枝抗莖而敷蕊珊瑚
幽茂而玲瓏增岡重阻列眞之宇玉堂對雷石室相距藹藹翠
幄嫋嫋素女江婁于是往來海童于是宴語斯實神妙之響象嗟
難得而覩縷爾乃地勢坱圠木馱蔓遭藪爲圃值林爲苑異苓
蒨藨夏畦冬蒨方志所辨中州所羨草則藿蒻豆蔻薑棗非一江
薤之屬海苔之類綸組紫絳食葛香茅石帆水松東風扶畱布濩

皋澤蟬聯陵丘夤緣山嶽之岳羃歷江海之流抗白蒂銜朱蕤鬱
兮撓茂畦兮菲菲光色炫晃芬馥肸鬻職貢納其包匭離騷詠其
宿莽木則楓柙櫟樟枿欄枸橈縣杭杔櫨文懷楨樞平仲楮檣松
梓古度枿櫨之木相思之樹宗生高岡族茂幽阜擢本千尋垂蔭
萬畝攢柯挈莖重葩殫葉輪囷虬蟠埒壘鱗接容色雜糅綢繆縟
繡宵露灑霽旭日晻暝與風颺颺瀏瀏颺颺鳴條律暘飛音響亮
蓋象琴筑并奏笙竽俱唱其上則援父哀吟揮子長嘯狔颺猥然
騰越飛超爭接縣垂競游遠枝驚透沸亂牢落輦散其下則有梟
羊麀狼猓猓象鳥菟之族犀兕之黨鉤爪鋸牙自成鋒穎精若
耀星聲若雷霆名載于山經形鏤于夏鼎其竹則簣簴箛筵桂箭
射筒柚梧有篁簟篲有叢苞荀抽節往往縈結綠葉翠莖冒霜停
雪櫨蠹森萃荔甘蕭瑟檀欒蟬蛸玉潤碧鮮梢雲無已踰嶰谷弗
能連鶯鶯食其實鵲鵲擾其閤其果則丹橘餘甘荔枝之林檎榔

無柯柳葉無陰龍眼橄欖探樞禦霜結根比景之陰列挺衡山之
陽素華斐丹秀芳臨青壁系紫房鷓鴣南翥而中畱孔雀綵羽已
翱翔山雞歸飛而來棲翡翠列巢已重行其琛賂則琨瑤之阜銅
錯之垠火齊之寶駭雞之珍頽丹明璣金華銀樸紫貝流黃縹碧
素玉隱賑歲褻雜插幽屏精曜潛穎蒼陟山谷碕岸爲之不枯林
木爲之潤黷隋矣于是鄙其夜光宋玉于是陋其結綠其荒陬謫
詭則有龍穴內蒸雲雨所儲陸鯉若獸浮石若桴雙則比目片則
王餘窮陸飲木極沈水居泉室潛織而卷綃淵客慷慨而泣珠開
北戶已向日齊南冥于幽都其四野則畛畷無數膏腴兼倍原隰
殊品竄隆異等象耕鳥耘此之自與穡秀菰穗于是乎在黃海爲
鹽採山鑄錢國稅再熟之稻鄉貢八蠶之繇徒觀其郊隧之內奧
都邑之綱紀霸王之所根柢開國之所基趾郭郭周而重城結隅
通門二八水道陸衢所已經始用累千祀憲紫宮已營室廓廣庭

之漫漫寒暑隔閼于邃宇虹蜺回帶于雲館所已跨時煥炳萬里
也造姑蘇之高臺臨四遠而特建帶朝夕之濬池佩長洲之茂苑
窺東山之府則瓊寶溢目觀海陵之倉則紅粟流衍起寢廟于武
昌作離宮于建業闡闔閭之所營采夫差之遺法抗神龍之華殿
施榮楯而捷獵宗臨海之崔巍飾赤烏之韓甌東西膠葛南北崢
嶸房櫳對橫連閣相經闐闐譎詭異出奇名左稱彎碕右號臨砌
彫欒鏤案青瑣丹楹圖已雲氣畫已仙靈雖茲宅之夸麗曾未足
已少寧思比屋于傾宮畢結瑤而構瓊高闐有閤洞門方軌朱闕
雙立馳道如砥樹已青槐互已綠水立蔭耽耽清流亶亶列寺七
里俠棟陽路屯營櫛比廨署棊布橫塘查下邑屋隆夸長干延屬
飛甍舛互其居則高門鼎貴魁岸豪傑虞魏之昆顧陸之裔岐嶷
繼體老成奕世躍馬疊跡朱輪累轍陳兵而歸蘭綺內設冠蓋雲
蔭閭閻噓其鄰則有任俠之靡輕詔之客締交翩翩儼從弈弈

出躡珠履動已千百里讌巷飲飛觴舉白翹關扛鼎拚射壺博鄙
陽暴謔中酒而作于是樂只衍而歡飫無匱都輦殷而四輿來暨
水浮陸行方舟結駟唱權轉轂昧旦永日開市朝而竝納橫闌闐
而流溢混品物而同塵并都鄙而爲一士女佇眙商賈駢坐紵衣
絺服雜沓從萃輕輿案轡已經隧樓船舉颿而過肆果布幅湊而
常然致遠流離與珂珮縹紛紆器用萬端金鎰磊砢珠琲闌干
桃笙象簟韜于筒中蕉葛升越弱于羅紈儷嘉聚穆交貿相競誼
譁嗶呶芬葩蔭映揮袖風飄而紅塵晝昏流汗霏霏而中塗泥濘
富中之毗貨殖之選乘時射利財豐巨萬競其區宇則并疆兼巷
矜其宴居則珠服玉饌趨材悍壯此焉比廬捷若慶忌勇若專諸
危冠而出竦劒而趨扈帶鮫函扶揄屬鏤藏鏹于人去戲自閭家
有鶴膝戶有犀渠軍容蓄用器械兼儲吳鈞越棘純鈞湛盧戎車
盈于石城戈船掩乎江湖露往霜來日月其除草木節解鳥獸臚